

Jekabaara

Jamana

Cikela, mənikela ni baganmara kunnafoniseben. A bə bo kalo o kalo
Jamana baarada ka - Telefon : 20 20 62 89 - BP : 2043 Bamako (Mali)

Cike sɔrɔ yiriwa
fesrɛ : Danisi
sementiyclerw
nɛ 2

nɛ 1

Don banni bə nka
jamana banniko tɛ !
Jamana de ka bon
naw bəs ye.

Ko to nəgən ta la de bə
kaara bugu men si la.
An faso jəli mana kə an
nin kan cogo o cogo, ni
bəs y'a sama i ka fan,
fasojo bmin tɛ nɛ an si
kelen kɔ ! jamako
mana fo yorɔ min, dusu
mankan ka bila hakili
nɛ. An k'an faso Mali
bila nɛ, ka ko to nəgən
ta la. Don bə ban, nka
Jamana te ban !

Sebennikela kulu

Moti sigida dəgəkun fila sigida togo la
tako 18nan laje kera kunnawolo ye nɛ 3



Sigida lakananni ni yiriwa siman minisiri Keyitala Ayida NBo

Tabakɔrɔ : GDFOR II ye sefawari
miliyon 86 don kungo lakanan-
bagaw ka kalanyɔrɔ la nɛ 3



Bewani : Ofisi di Nizeri jigi
bə Malo kama təni miliyon
kelen ni kɔ sɔrɔli kan ninan



« Kalan bə məgə sɔn hakili la, nka kunnafoni bə məgə bɔ kunpan na ». (Yorɔ Ylen Sidine)

San 2017 samine dona !



Nin sanji binna a caya n'a dögoya, bëe hakili bë jigin senekel yorow ni senekelaw la. O ka kan, bawo kabini lawale fo bi, senekelaw donnent don dijne jigi körö. O de koson jaaraw b'a fo ko sene de ye dijne diya. Siga te nin kuma la bawo konobara lankolo te mako ne. Sene te ko lankolon ye, wa senekel te bolo kofe-moga ye.

O de koson, an ka jama na nemaa bëe wulikajé la walasa ka senekela ka baara nögoya siraw latige.

Samine kun bora. Nin be cikela ka wulikajé ni cesiri kofo, jango an be waati yelema tile min na sisani. A ka faamu ko cike nafa soro li dulonnen te dusu ni

kiseya dama la. Waati yelema kólólow farala cikela juguw kan. Dugukolo fanga dögoyara, sanji te na a nacogo körö la, finge barika ka bon, ninnu bëe de farala fenjemaw ni sene tijen-nifén werew kan. O lá, cikela ka kan kà taama njogon ke a bilasirabagaw ka ladi-likanw ye ani ka baara ke ni metewo kunnafoni ye.

Kà ta kungo lakanan cekedaw la ka se cikelaköldenw ma ka n'a bila sene yiriwali feere tigil la, ninnu bëe ye cikela demenbagaw de ye walasa a kà ka baara tñø soro hakilila tige ni laafiya kón. Ala ka jinan sanji nata caya, k'u ke sanji nafamaw ye.

Bakari Sangare

Kalo kumasen nana

Ni mögö bëe tun be ko bëe da a yere ma kojuguke tun be dögoya barisa a mandi mögo si ye ka juguman kà yere kun na. Sabali de kapi sabu hake juru te to sarabali ye. N'i ye hake menen ye, a taara berekane tige ! & ke fasoci ye. No kera an ka cesiri be ks sanji körö wosi ye. Fasojo te ke mögö kelen si ye, fasojo te don kelen ko ye, waati la ko fana te. Si mumé baara de don

Dajeli Damele

Cike soro yiriwa feere : Danisi sementiyalenw

Senek nafa soro sira-tige la, cikelaw be nögön dan ni sababu damadaw de ye, o dë ye danisi ye. waati yelemak tile in na, danisi te suganti kufé bilen, w'a te suganti fëlo cogoya körö fana na, n'o ye ka yala yala foro kón. ka tisan woloma k'olu bila san nato danisi kama. Bi sene sörökëbaga bëe bë sikolokolonenw de san.

Danisi jöyörö ka bon, kosebë sene soro la, n'i ye mali jama sigi kene sara la, 60 ka kow sirilen don danisi ko la. ka ci ke ni danisi juman ye, o be 30 fo 40 fara sene soro kan keme sara la.

An be danisi sementiyalen de wele ko sikolokolonen, si minu ne segesegera ninikelaw fe forow ni laboratuwari la ka sèben k'u la. Olu de ye Danisi juman ye, sene te yiriwa minu kò. Tubabukan na, o danisiw jumanw be wele ko semences certifiées. Danisi kolokolonenw sementiya cakeda be an fe Mali kón yan, a nemogo tøgö ye Jukamadi Jalo.

Cikelaw de be si kolokolonenw sene, u be senekel ni ninikelaw ka ladilikan ni kólöili n'u ka segesegeliw ye. O körö ye ko ninikelaw ni cikelaw be baara ke nögön fe sikolokolonenw sene kunteala bëe kón.

Segesegeliw be damine kabini foro ma bin: Segesegeli be ke foro cogoya la, a be ke ka foro banaw dòn a be ke fana si suguya kan. segesegeli be ke foro nögö ko kan. Ni forotigi ye ladilikan bëe bato si be sene.

Fen makan kán bali ka tugu o si juman sene la. Ka si lakika soro min bëe be falen, bana tå la, o nafa be bëe kan. Cikela minnu ye sikolokolonenw sifile, olu y'a sementiya ko nafa soro sira te teme a kan. Ni senekela yiriwara, o ye jamana yere mumé yiriwalen ye bari n'i ye mali jama sigi keme sara ye, 80 ye cikela ye.

Mögö min b'a fe ka si kolokolonen san, a soro kadi. A be soro sumansi ferelaw bolo, sementiyasében b'a bëe kan. N'i ye si kolokolonen san k'i b'a sene dumuni kama, a kan i ka si kuraya san 3 o san 3. Sene soro dulonnen don danisi la. Walasa senekela ka soro ke ka dunkafa sabati, kà waso n'a ka baarakelenw tñø ye, f'a kà ne sin sikolokolonen ma.

Sikolokolonenw be soro nögoya la. Malo, Kaba, sajé, keninke, so, tiga ni soja. N'an k'an ka sene nafa soro, an ka sin-sin danisi sementiyalenw kan.

Dajeli Damele

Məti sigida dəgəkun fila sigida təgə la tako 18nan lajə kəra kunnawolo ye

Sigida lakananni ye sanga ni waati baara de ye bəe ka kan k'i jəyərə fə min kənə. Si baara de don !

Sigida lakananni kənə ni yiriwa siman minisiri Keyitala Ayida NBo ye sigida təgəla laadala tile 15 kəfə sigiko 18 nan kuncə ni nin welekan de ye ka jəsin Moti mara cew n'a musow ma karidon zuwenkalo tile 17. Məti kera jogó yeləma taamasere ye kənə in ka lajini hukumu kənə.

Sigida lakananni kunnafoni yiriwa siman minisiri ka fə la, sigida lakananni dusulamin ni kunnafənni baaraw ye fen nafamaba ye kə da sigida bilama lahalayaw kan.

Dəgəkun fila kunnafonini dusulaminw ninnu kəra ka jəsin Kayi, Kulukərə, Məti, Tənbəkutu, Gawo ani Bamakokaw ma, olu kəra sababu ye ka sigida jərenankow da kənə kan.

O jərenankow təgə ye : kungo sogo n'a jiriw lakananni, sanubəyərəw səgefəməfenw kələlə, ja ni cəncen fuga warali, Ba Joliba lakananni ani an ka dugubaw lasanuyali.

Masiba jəsinnen don



ninnu bəe ma. Lajə in kəra kun kərəta ko ni wasako ye. Minisiri Keyitala Ayida NBo ye Məti mara jəmaaw, dijəs jəmaaw, maabaw ni Mətikaw bəe fo u ka wuli-kajəni cəsiri la. A y'a jira ko kabini Segu sigida dəgəkun fila lajə bərə la, ko Moti mara ta jəgənna ka dəgə. Kə da a kewaati ni kəyərə lahalaya kan.

Kənə in lakananni, a jama labəli nə labənw bəe sabatili si tun te ko jəgən ye. Yanni ka jini AEDD fe, o min ye kənə in sigibaga ye, o ka kə ni də fara a ka cəsiri kan walasa tako naṭaw la də ka fara musow, denmisənw ni sigida lakananni baarakəbagaw hake kan minisiri y'a

jira a ko sigida lakananni baara ye si baara de ye.

Don o don baara de don an bəe lajelen ka kan k'a jeninyərə fin min na. Minisiri ka fə la, o cogo kelenpe de b'a to an bən ka jamana dumanba in yiriwa sigida ni seko ni dənko sira fe.

Kənə in denfaya tun bə depitebulon jəmaaba Isiyaka Sidibe bolo. Ale ye sigida lakananni ni yiriwa siman baaraw senkərəmadonni lahidu ta, ale yərə ni depitebulon təgə la. O kera wasa ko ba ye minisiri Keyitala Ayida NBo bolo.

O temenen kə, sigida lakananni ni yiriwa siman ka lajiniw kələsi jekulu sigi-

ra depitebulon kənə. Depitebulon ye sira labila jirikənə-koko labaarakəkulu sigili ye. Ka fara o kan, a ye yamaruya di musako bənkan səben tegənəbilali ma ; min bə an ka jamana ni Afiriki wari bonba (BAD) ce.

O musaka in jinikun ye Bamakə lasaniyali ye. Ninnu kəra minisiri Keyitala Ayida NBo wasakow ye, a ye minnu sərə sigida təgəla tile 15 lajə tako 18 nan kənə kan Məti mara kənə.

Minisiri ye foli ni tanuli ke ka jəsin jamana kuntigi Ibirimu Bubakari Keyita nə muso Aminata Mayiga ma ani minisiriw təw.

A ye foli ni barika da ke, dəməbagaw ni baara jəgən bəe ye. A ma jinan kunnafonidilaw kə bawo, a ka fə la sigida təgəla tile 15 lajə ye kunnafoni di ni kumajəgənya ganseli de ye fələ ; walasa ka na ni jogo yeləma ye.

Məti mara ye walān bila Kulukərə mara kərə. Sigida təgəla tile 15 lajə 19 nan jati-gi be ke Kuləkərə mara ye.

Kadiatou Muyi Dunbiya
Ka səben don min bərə
Les Echos (Eko) kənə
Bayelemana Bakari
Sangare fe

USAID baara bolofara ka jəsin dugukolow nəgədonniko ma

Dijə nəgəko baarakəkulu ye lajə ke zuwenkalo tile 6 n'a tile 8 ka baarakəjəgənya jekulu ka dugukolo lahalaya jatemine cakedə ka san-saba baara kun fələ kiiməni ke.

Dugukolo lahalaya jatemine baara bolofara in ka baara bə boli jamanaw kənə minnu bə wele ko USAID, C4CP. O jamanaw ye Mali, Burukina Faso, Cadi ani Benen) jatemine y'a jira ko nin jamana kofəlen

minnu kənə, kəorisənela cəman n'a musomanw ka kəorisənə sərə ka dəgən kosebə kə sababu ke dugukolo fanga dəgəya ye. Walasa ka fu siri o wale la, dijə nəgəko layiriwali jekulu jəmaa Amadu Waadijə ye feəre kura sabatilenw jinini lahidu ta ka kəjə n'a ka cakejekulu ka lajiniw ye.

Kabini USAID-C4CP baara bolofara in sigi tuma, a ye

dugukolo lahalaya jatemine jekulu dilan min bə kəorisənə-dugukolo səgesəge san saba o san saba. O jatemine in kun ye, nəgə jumanaw ni dugukolow layiriwə-feəre sabatilen dajirali ye kəorisənelaw la ka kəjə n'u sigiyərəw lahalaya ma.

USAID ka nin baarakələ jəmaa Sanson Yuli ka fəla, nin baara kiiməni in kəra sababu ye ka kəlenw n'u lasin-

sin siraw jira.

Usumani N'Tarawele ka fə la, ale ka baara bolo PR-PICA tena to kə USAID ka C4CP baarakələ sen kərəma donni na walasa a kə ka lajiniw bəe waleyə.

Bakari Sangare
Kunnfonin in bərə zuwenkalo tile 8 Echos kənə, Bintu
Mayiga ka səbənnən don

Tabakorɔ : GDFOR II ye sefawari miliyon 86 don kungo lakananbagaw ka kalan yɔrɔ la



Col Major Boubacar Cise, CFFZDK nemaaba

Kungomara seginso filan-nan cakeda, GDFOR II ye Tabakorɔ kungo lakananbagaw ka kalan yɔrɔ laku-rayaya ni Suwedi jamana ka dème ye. Kalan yɔrɔ in tɔgɔ dalen don Zan jigi keyita la, a lakurayali baara musaka benna Sefa wari miliyon 86 ma. A lakurayali kunrun-bukari jnajje kera kalan yɔrɔ dagayɔrɔ la Bamako Tabakorɔ jumadon san 2017 zuwenkalo tile 16.

Jnajje nəməgəya tun bə lamini lakanan-ni minisiri ka ciden koloneli Bayikorɔ Fofana bolo. Suwedi jamana laşiden Ewa Emenuzi tun bə kene kan ka fara kalanyɔrɔ nəməgəw ni ji ni kungo cakeda nəməgəw ni GDFOR II nəməgəw ni kalanso bala faseke nəgə-lənbəlaw ani jamaba kan.

Kungomara seginso filan-nan cakeda, GDFOR II ka nin baara tun b'a kun bə,

barisa kabini kalanyɔrɔ Zan jigi keyita dilanna, o bə san 30 bə, yɔrɔ labenni baara foyi tun ma ke a kənə. Kalanyɔrɔ nəməgəba koloneli mazɔri Bubakari Sise nisənjalen ka fɔ la, siga t'a la, kalanyɔrɔ laku-rayali in bə a kənə baaraw sankorəta, ka yɔrɔ sigi diya kalandenw bolo, ka nətāa sabati. Kalanso ferelenw ni siyɔrɔ daamunenw de bə Kungo lakananbw ka Kalanyɔrɔ Zan jigi Keyita kənə. Koloneli mazɔri Bubakari ye lahidi ta k'u na kalanyɔrɔ in mine ka jnə walasa baara kelenw musakabəbaaw kana nimi-sa u ka nafolo bəlen na.

GDFOR II de ye kalan-yɔrɔ lakurayali baara ke, Suwedi jamana de y'a nafolo bə. Musaka benna sefa wari miliyon 86 ma. Suwedi jamana lasigiden Ewa Emenuzi y'a jira k'ale hakilila kalanyɔrɔ Zan Jigi Keyita lakurayalen in ka kan ka se ka taabolo kura

di kalan ma, walasa minnu mago bə kalan na, a kolu mago jnə, ani ka kalan kenew yiriwa minnu b'a to məgəw bə lamini lakanan-niko ke u haminako ye.

Lamini minisiri nəbila Bayikorɔ Fofana ye Suwedi jamana fo a ka dème na lamini misiri Keyitala Ayida Nbo tɔgɔ la. Suwedi jamana min sənna, GDFOR fələ ni filan-nusakaw bə kelen kə fe, ka sefa wari miliyari ni kə were di walasa ka lamini lakananbagwa 1200 ka kalanko musaka san fila kənə. Fofana ye GDFOR II baarakelaw fana fo u ka cesiri n'u ka baara juman na.

Bala Saseke kalanyɔrɔ nəgələnbəlaw ye ladili-kanw lase kene kan ni nəgə-lən duman ye min bə kərə-matigeli ke lamini tijen-i jugu ni kungo lakananbw ka sariya dənni kan.

Dajeli Damale




Madamu Eva EMNEUS Suede lasigiden



Baicoro FOFANA lamini minisiriso baarakela.

Lamini lakananni : GDFOR II ye kalan ke cakeda jeməgə ni sigida jeməgə maa 28 kun Pari Benkan kənəkow ni waati yeləma cogow kan



Məgə minnu tun bə Pari Benkan ni Waati yeləma kalan kene kan DGFOR II ye min labən Tabakərə

Ka ta zenkalo tile 5 k'a s'a tile 8 ma, GDFOR II ye də fara yiriwali cakada jeməgəw ni sigida jeməgəw ka dənniya kan. Tile naani kalan in kera Bamako Tabakərə Zan Jigi Keyita təgəla kalan yərə la. Kalan bolila Pari Benkan kənəkow ni waati yeləma cogoya kan. Kungo ni ji cakeda, nafoloko jənabə cakeda, səne cakeda, məni cakeda, sigida məgə sugantilen, soyite siwili, dəmədon cakeda ani kungo nafabəbagaw bəe ka məgə tun bə kalan in kene kan.

DGFOR II jeməgəba Kanutela Fatumata kene y'a jira ko kalan kun ye ka jeməgə ladənniya Mali ka lahidu talenw na walasa u waleyali ka jəsə sərə. Mali ye Pari benkan bolonəbila, benkan in dun bə baara dəw wajibiya a bolonəbilabaw kan, nka məgə minnu y'a waleyabagaw

ye olu te benkan in yere kənəkow dən jango k'a waleya. Kalan kun ye o fiñe latilen teliya la. Misali la Pari benkan bə wajibiya jamanaw kan u bə fiñe jugu ni sisi ni gazi minnu funti u ka də bə olu la sani san 2030 ce. Jamana kelen kelen bəe ye səben ke o sira fə k'ü ka baara bolodalen dantige. Mali ka lahidu talenw ye mun ye, fo cakeda jeməgəw k'ulu dən ka taa o kəmasegin ke u ka cakeda la.

Kalan in kun də ye fana bə ka bəe ka baara n'a haju n'a jəyərə dən lamini kalanani baaraw la, o de kəsən yiriwali cakeda bəe məgə welela kalan na.

Ka fara Pari benkan kan, kalan bolila waati yeləma cogoya n'u kələlow fana kan.

Min jinina kalan sərəbagaw fə o ye k'ü ka taa jəfəli ke u ka yərəw la,

bəe kə dən jamana ye lahidu minnu ta. Bəe k'i seko ke walasa kiimeni don an ka jamana ka kunnawolo.

Kalan in labənbagaw y'u ka nimi-si wasa fə ka dakan məgə welelenw bəe yera kalan kene kan. wa u ye kalanso matarafa səbelə. U ye jini-kali eama ke ani jaabiw y'u wasa.

Cərinə Sedu jara ye konseye ka bə sikaso ale y'a jira k'u nafaba sərə 'kalan in na. A y'a to u ka waati yeləma cogoyaw faamu ani fen o fen bə Pari benkan ko la k'olu bəe dən. k'u ye gafew sərə ninnu be n'u dəmə jəfəli la.

Kunnafo ni DGFOR II ka baara bolodalenw na, maa 1 400 bəe ka kan kalan sərə san fila kənə lamini lakananni baara siratige la.

Dəjəli Daməle

U ko...

Benkanseben min bora Alize sigikafow la ka jnesin basigi ni ben jini-ni ma Mali kono o waleyali te dafa sariyadunba latilenni ko.

*Kasimu Tapo
Adamaden josariya ko
ni Faso forobaca
latilenni minisiri*

Ni ye no caman susu Ala ye, a be jenjen caman di ma.

*Si Solomani Si arajo
Bamakan baarakela*

Moga ye ko bee ngalon da bolokoden na, fa binna wali muso kan.

*Bakari Togola Cikelaw
ka soba APCAM
Peresidan*

Kuma mugu ni janiya numan, o si te, fo kewale !

*Karamog Abudulaye
Bari. Ala ka hine a la.*

Ni y'a men ntönkunani ntönkunani, do de y'a nene.

*Bala Musa Keyita arajo
Mali baarakela.
Ala ka hine a la.*


Muso buga, yere buga yere de don.

*Alayi karanbe ko
Amadi njegolonbola*

Bewani : Ofisi di Nizeri jigi be Malo kama toni miliyon kelen ni ko soroli kan ninan



Seneko minisiri Nango Damele



*Mamadu Nbare Kulibali,
Ofisi jemaaba*

2017 ni 2018 Cikesan baaraw dabø jnanje kera sibiridon zuwenkalo tile 17 Bewani Ofisi di Nizeri mara kono. Jamaba ye nøgøn sørø Lasana jara ka foro la baaraw dabøli kama . Ko jemaaya tun be seneko minisiri Nango Damele bolo. Cikelaw ka soba APCAM peresidan Bakari Togola ni Ofisi di Nizeri jemaaba Mamadu Nbare kulibali tun ba kene kan ka fara cikelaw ka jekuluw kuntigwi ni cikelaw cama kan.

Ofisi jemaaba Mamadu Nbare kulibali ye samiya temenen kiimeni ke ni ka baara bolodalenw lase. Samiya temenen kera wasa ye ka da sørø kelenw kan nølu ye : malo kama toni ba 727 ni ko ye nakøsenefen toni ba 237 ni ko, jaba toni ba 40 ani pømutteri toni ba 28.

Kulubali ka fo la, cikø-

law ni ofisi baarakølaw ka bolodijnøgøn ma ni cesiri de ya to nin sørø ninnu bee sera ka ke. Mamadu Nbare kulibali y'a jira ko 2017 ni 2018 Cikesan jebila baaraw bee kera k'a ban : falaw kono bøli, malosi ni nøgøw laseli cikødaw bee la. Sørø minnu bolodalen be olu ye Malo kama toni miliyon kelen ni toni ba kelen ni 345 ye . Nakøsenefenw toni ba 341, kaba toni ba 12 ni tilan ani pømutteri toni ba 56.

Min ye jøge lamara ni baganmara ta fan ye, jøge toni ba 350 makønen be ani misi ba 6 ni 950 o ni nønø sørøta litiri miliyon kelen ni ko.

Ofisi di Nizeri cikelaw ka jemøgø Abudulayi Dawu ye foli ke gufereneman ni ofisi baarakølaw ye. A ye jamana kuntigi fo a ka døme na. A y'a sinsin gelya minnu kan

o døye motoboli jøli ko ye ofisi maraw kono ka da lakalanan ko kan. A jira ko ka kejø ni lakanan sabatili ye, ko motow te boli bilen. O ye geleyaba ye, bawo moto ye cikøla ka baarakø minen dø de ye. A ye lajini min ke, o ye ko faamaw k'a to cikølaw k'u mago jenabø ni motow ye tilegan fe, ko n'o te, a be gelya, sørø bolodalen ka waley.

Minisiri Nango Damele ye Ofisi baarakølaw ni cikelaw fo u ka cesiri la, ani k'u hakili latige ko gufereneman na seko bee ke walasa jinifew ka ke so-rofønwe ye.

Cikelaw cama ni ofisi baarakølaw. caman ladiyara ni motow ni tajiw ye.

Ala ka samiøe diya.

Dapeli Damele



Sidabana : An kana jinan



Kuma donsow ko « janto n yere la köröko ka ni ». O ye kuma köröba ye, wa tine köröba fana don jango sidako hukumu kono. An be don min na i ko bi, sidako kuma dögoyara, a kun kan kunnafonindi kenew sigili fana senna sumayara. O ye wale ye min ka kan ka mögö jore bawo bana in tana ye bolo kó fe bilali ye. Tine don, bana in tun be mögöw böröntö waati min na, an n'o waati ce ka jan. Nka o körö te ko bana in bana fanga banna, walima ká ni silasali to man jan ! Hali bi, sidabana be ka mögö faga dijé ne fe ka taa keneya baarakelaw ni jininikelaw ka cesiri kera sababu ye ka jigiya di sidabanabatow n'u limanaw ma ni fura do söröli

ye. O furakeli be ke ni fura suguya saba faralen ye nögon kan, walasa ka bana in fiye bo, nka a ta keneya a ta ban.

Sidabana lakodonna dijé fe san 1980 kono. Kà ta o san na ka se bi ma, netaaw kera bana in keleli la ; nka fura kelen min b'a la n'o y'a ban pewu ye, o ye kunnafonidili ye sanga ni waati ani ladili-kanw matarafaliko numan an bee lajelen fe. O b'a jira ko segennafijé bo, salaya man-kan ka don sidako kuma foli la. An be waati min na sisar, a ko madalen don. Sidako kuma dan be jinin ka ke don kerékerénenen na kuma fo ta ye.

Ni diye seleke naani ka don kerékerénenen temen na,

a be i ko sidako be bila kere fe ka temen ni ko werew ye. O ye wale cejuguba ye min be se ka nin kura don bana in na.

I n'a fo adamaden be a dahirime jini don o don cogo min na, sidabana kuma foli n'a kunnafoñi ganseli ka kan ke o cogo kelen de la ká da bana in kóló n'a ka fura ntanya kan. Sida keleli te cakeda kerékerénenen ko, faamako te. Bee kungo de don a ganceli ye bee ka baara ye, bawo a te ce to a te muso to ; hali den min be a ba debe la, o ma kisi.

O tuma, a keleli ye wajibi ye bee kan adamadenya, kisi- li n'a tanga koson. Dijé in ye kobilen caman ye, o bora kogelen caman fana na, nka sida nögonna masiba ka

dögön a la. An kana jinan o kó !

Kunnafonin nafama minnu b'i sörö cogo n'a yelema cogo kofö ; an k'olu kán taama nögon ye anw k'u ganse an seko n'a damajira la sanga ani waati.

O kunnafoñi nafama döw ye an yere mineli ye o temen-nen kó, an kán janto jolibaa-raminenw na i n'a lamu, siri-fe, pikiri bije körö ani ma joginfen werew. Kafo nögonya ta fan fe, an k'a taama nögon ke yere tanga mananin ye. Nin ladilikanw batoli mana fara dögötöröw ka cesiri kan, ni ale ka jen ye, an n'a yere ni maa werew kisi sidabana ma.

Bakari Sangare

Jekabaara ka dugawu

Minisiriw ka araba zuwenkalo tile 21 laadala laje senfa an baarakenögon n'an balimake Laji Sanbi Assa Ture, kunnafoñisaban infomatin tigi, sugantira k'a ke

Mali Gufereneman ka Kunnafoñi cakeda (CIGMA) nemaaba ye. An be dugawu k'a ye Ala k'a deme, ka baara diy'a la, k'a ke kunköröta ni kunnawolo ye !

Aw ko kunnafoñi nafaman ni jemukan dumanw, aw y'aw sogc Arajo Jamana la

- Segu Arajo Jamana Föko : 108.6 Fipesuuru fe
- Kucala Arajo Jamana : 101.2 Fipesuuru fe
- Mëti Arajo Jamana : 98.3 Fipesuuru fe
- Kulukörö Arajo Jamana : 103.9 Fipesuuru fe
- Nërg di Saheli Arajo Jamana : 101.2 Fipesuuru fe
- Jema Arajo Jamana : 97.3 Fipesuuru fe
- Narena Arajo Jamana : 97.0 Fipesuuru fe
- Tënbuktu Arajo Jamana : 98.6 Fipesuuru fe
- Jene Arajo Jamana : 91.0 Fipesuuru fe
- Bamako Arajo Benkan : 97.1 Fipesuuru fe

Sariya : Kungonafaboliseben ni nafamafenw doniniseben

Kungo nafaboli laben cogo numan kan, jamana nemogow ye sariya ta kungonafabolli si caya nofe. O sariya in konc kow file nin ye.

Guferenemansariya N°2011-637/PRM, min tara san 2011 setanburukalo tile 20.

Min be boli Kungonafaboliseben an i kungo nafamafenw donini yamaruyaseben tigiya lataama cogo n'u saratiw kan.

Jamana nemogó

Ka da Sariyasunba kan

Ka da sariya n° 92-02 min tara san 1992 utikalo tile 27 n'a be jagoko kan.

Ka da sariya n° 95-029 min tara san 1995 marisikalo tile 20 n'a be bolobaara janaboli Mali kono.

Ka da sariya n°95-034 min tar san 1995 n'a be sigida lakodennew kan Mali kono anà sariya latilennew.

Ka da latigesében n°00-027/PRM n'a tara san 2 000 marisikalo tile 22 n'a be dugukoloko janaboli kan n'a latilenna ka yamaruya ni sariya n° 02- 008 ye san 2002 feburuyekalo tile 12.

Ka da sariya n° 02-017 min tara san 2 002 zenkalo tile 3 n'a be kungo sogow ni kungo nafamafenwdoni n'u jagali kan.

Ka da Sariya n°06-045, san 2006 setanburukalo tile 5 ta, n'a be sene taebolo janaboli kan.

Ka da Sariya n°10-028, san 2010 zuluyekalo tile 12 min be jamana kungo nafamafenwjanaboli josenw kan.

Ka da guferenemansariya n°08-768/PRM, san 2008 desanburukalo tile 29 min be gaw ka cikedaw ni anterepiriziw ka cikedaw janaboli kan.

Ka da guferenemansariya N°10-387/PRM, san 2010 zuluyekalo tile 26 min be Kungojiri lakananen kerenerennenw an i kungojiriw lakananen nafako siratiga la kan

Ka da guferenemansariya n°10-388/PRM, san 2010 zuluyekalo tile 26 n'a be nafaboli wari hake dansigi kungo nafamafenw ni jamana tègola kungow la.

Ka da guferenemansariya n°2011-173/PRM, san 2011 awirilikalo tile 3 , n'o be minisirinemogó sigilikan.

Ka da guferenemansariya n°2011-176/PRM, san 2011 awiri-

likalo tile 6, min be minisiriw sigililan.

Ka da guferenemasariya n° 2011-2652/PRM, san 2011, mekaloo tile 19, n'a be minisiriw ka nonabilakan.

Minisiriw ka laje senfe sariya tara

Sariyaset 1 : Nin sariya in be Kungo nafaboliseben an i kungo nafamafenw donini yamaruyaseben tigiya lataama cogo n'u saratiw dantige.

Tilayoro I : Kungo nafaboliseben tigiya lataama cogo n'a saratiw

Bolofara 1 : kungo nafabolaga lakodonniseben

Sariyaset 2 nan : kungo nafabolaga lakodonniseben be di mogow ka da u yere ka lajini seben kan, ji ni kungo cakeda nemogó de ba di i na fo sariya ya fo cogo min na.

Kungo be ji ni kungo cakeda nemogó min ka mara kono o be se ka di jekulu fana ma ka da o jekulu ka lajini seben kan, nafaboliseben suguya ni a jini kun ni a tigi sigiyoro be ke seben in kan.

Sariyaset 3 nan : nafaboliseben in ba tigi yamaruya a ka kungonafabolli ke a sigiyoro mara bee kono.

Sariyaset 4 nan : kunnafoni bee be seben nafaboliseben minu ba to nimorokow ka se ka segesegé.

O ko kunnafoni ba kono i na fo :

Tègo ni jamu ni sigiyoro, o ye mogó kelen ye Dagayoro ni kun, o ye jekulu ta yeA kuntaala

Nafolo sarata ani sarali seben nimoro

Seben di don anà yoro ji ni kungo cakeda baarakela min ye seben di o tègo n'a jamu anà ka baara.

Sariyaset 5 nan : kungo nafaboliseben ninibaga ka kan ka sarati minu dafa olu file :

mogó : si ka san 18 bo a tègo sebennen ka soro jagosebenba la a tègo sebennen ka soro kungo lakananen cakeda la min ba baarakate yoro la ni dunan don fo jamana sigili yamaruya ka soro a bolo mogó jekulu

jagokekulu, nafasorajekulu,

fo o ka soro a sebennen don jagosebenba la.

Ni seneke cakeda don, fo o ka soro a sebennen Mali senekelaw ka soba la mogó min yamaruyara jekulu fe ka kungo nafabolli baara laben o tigi si ka kan ka san 18 bo, ni dunan don jamana sigili yamaruya ka soro a bolo

Bolofara 2 nan : Nafabolli kecogo nafabolli labennen forobacakeda fe

Sariyaset 6 nan : minisiri min jesinnen don kungojirituko ma ale be se ka kungo cakeda bila ka kungo nafamafenw nafabolli laben kungo lakananen labennen kono.

Kungo nafamafenwbe feere walima k'u wantere i na fo sariya yo yamaruya cogo min.

Tigeliyoro bakuruba feere

Sariyaset 7 nan : nafabolisebenitigow mogó kelen walima jekulu olu dama de sen be ye tigeliyoro bakuruba feereli la.

Sariyaset 8 nan : tigeliyoro bolodalen ka kan ka soro yoro labenni baara bolodalen na min yamaruya fanga fe ani na feereli be baaraw boloda cogo bato.

Sariyaset 9 nan : tigeliyoro minu be feere olu dancew be bo kungo cakeda fe kung be min ka mara kono, ale be kungo nafamafenwsuguya n'u da n'u hake jatebo.

Tigeliyoro be bakuruba feere garanti te ta a kono fenw suguya ne.

Sariyaset 10 nan : tigeliyoro be feere wantere senfe ka keje ni sariya ye min bolili be senna.

O na ta bee ni tigeli be ke yoro labenni kama walima kenya kama kungo lakananen kono walima ni tigeliyoro galala ka kalo 3 ke wantere ko be dabila a be ke mogó fila ni nogn ce ye.

Sariyaset 11 nan : nafabolaw suguya, u hake no be soro, u nafabolli saratiw n'u fere, fere minu ka kan ka tige ka nafabolaw nugu kura ye ani ka kungo lakananen, sanikelaw ka kan ka sarati minu dafa olu sebennen be komgeleye kaye kono min labenna kungo cakeda fe na be bolo kore kalo 3 ka kon feere waati ne na be soro ji ni kungo nemoya so la regon ni seril-

kili la ani komini na yoro be komini min kono.

Sariyaset 12 nan : jamana togola kungo kono, tigeliyoro feereli be ke ji ni kungo cakeda nemogó fe min be regon kunna, a be ke dugukoloko cakeda ka ciden neña.

Sanikela wajibilen don ka waribee sara ji ni kungo cakeda ye min be serikili kono tigeliyoro be min ka mara kono.

Ni komageleya kaye kono kow ma labato, nafabolisebenw be basi sanikela la a ye wari min sara kaban o be taa faso nafolo kesu nono walima komini ka kesu yoro in be komini min kono.

Sariyaset 13 nan : kominiw be tigeliyoro feereli laben u ka yoro la ka keje ni sariya kono kow ye min bolili be senna.

Sariyaset 14 nan : tigeli yamaruya seben, kungonafamafenw boli anu kafoliseben olu be di kungo nafaboliseben tigiv de ma.

Sariyaset 15 nan : Kungo lakananen kono, tigeliyoro, kungonafamafenw boli n'u kafoliseben be di ji ni kungo cakeda nemogó fe kungo be min ka mara kono.

Kene lakananen kono tigeliyoro be di ji ni kungo cakeda nemogó fe min be regon kunna walima a bo se lateme ji ni kungo cakeda nemogó ma serekili kono walima cakeda were min be baarake yen.

Sariyaset 16 nan : tigsliseben, kungo nafamafenw boliyoro be di kafoliseben be di kungo maralik cakeda fe u ka kan nuni jira :

Lakodenni, sigiyoro, kunnafoni jenjen minu be nafaboliseben tigie seben

Dogo hake

Jiri suguyaw, jiri bolo hakew walima jiju hake na soro la jiri labaarata don walima labanniba te jiri min na.

A yamaruyalen don ka Kungo nafamafenw minu nafabolli an i k'u kafo n'u te jiri ye olu suguya n'u hake

Nafabolikeyoro jenjen walima a boyore, ani dugu min ka surun a la o tègo walima a komini tègo.

Yamaruyaseben si kuntala nafamafenw labaarali cogo, u dilan ka ke sen min ye walima u ke ka minen min dila a di don na di yoro seben dibage tègo na jamu.

Sariyaset 17 nan : jiribaarata tigeliseben ni labemnomba 'te jiri min na o tigeliseben fila si kuntala ye kalo 3 ye ka damine u tegenobila don na.

Makojne tasuma be bø jiri minu na olu tigeliseben si kuntala ye kalo 2 ye ka damine u tegenobila don na.

Kungo sørøfen minu te jiri ye olu nafaboliseben n'u kafoliseben si kuntala ye kalo kelen ye ka damine u tegenobila don na.

Sariyaset 18 nan : møgø min ka kan ka seben di o kan ka jini ka døn folø sanà ka seben di n'a soro la nafabolø in ni sariyaw be nøgon ta.

Sariyaset 19 nan : tigeliseben ka kan lamara tigeli keyorøla nafabolø waati kuntala bee kønø fo n'a kera kungo nafamafenwdonni ni yamaruyaseben jinini ye.

Tilayøro II nan : Kungo nafamafenw donini yamaruyaseben tigiya lataama cogo n'a saratiw

Bolofara 1 : donini yamaruyaseben

Sariyaset 20 nan : kungo dafesigibagaw. ka makojneñi hake bølen ko a la, kungo nafamafenw makan ka doni ka bø yørø dø la ka taa yørø were la kasørø donnini yamaruyaseben tåla min be di kungo labaarali cakeda fe, donnini yamaruyaseben be kungo nafamafenwbøyøra n'a tayørø dantige.

Donini yamaruyaseben kelen o klen be kungo sørøfen hake do dantige. A sarati dan ye wayasi kelen ye ka bø kung nafamafenwbøyøra la ka taa u feere yørø walima u kafo yørø la.

Sariyaset 21 nan : donini yamaruyaseben be bø karine susiman de la kunnafoni minu bø kønø olu ye :

Tigeliseben ni kafolisenben n° n'di don

Tigeli keyorø n'a kafoyøra

Kungo sørøfen donnitaw suguya n'u hake

Bili ni adiriye ni pilansi hake n'a soro la jiri labaarata don tagø yørø

Tagø cogo

Donitala tagø n'a jamu n'a sigiyørø

Donitalan n° n'a soro la o bø la
Donini yamaruyaseben si kuntala hake

Donini yamaruyaseben di baga tagø n'a jamu n'a ka baaraketa.

Sariyaset 22 nan : donini yamaruyaseben be di kungo cakeda baarakela de fe tigeliseben

walima kafoliseben jiralen kø minu sarati ma ban.

Donini yamaruyaseben di waati la kungo nafamafenw donita hake n'a ta don be seben seben kan, donitalen hake n'a ta don be to ka seben tigeliseben køkan fo ka taa hake yamaruyalen ban.

Sariyaset 23nan : n'a soro la kungo nafamafenw ka kan ka labø jamana kønø donini yamaruyasebentigi kan ka ka boyørøseben ta min be di fanga yamaruyalen fe ka kejø ni sariya kønøkow ye.

Sariyaset 24 nan : jiriforotigiw ni kenyereye kungo tigi minu bø fe ke donnini yamaruyaseben walasa ka jiribolo, jirijuwalima kung nafamafenw minu børa u yere ke yørø kønø k' olu donni, u ka kan ka folø kø kunnafoni di yen kungo cakeda ma, o be taga yørø laje tilø 15 kønø ka damine kunnafoni fo don na.

Kungo cakeda kelen kø ka nafabolø baarakelenw segesegø a be donnini yamaruyaseben di forotigi walima kungotigi ma wari sar tåla.

Sariyaset 25nan : donnini yamaruyaseben si kuntala be dantige fanga yamaruyalen fe ka kejø n'a ka jateminenen donnini tali kuntala wdati kan ka bø tayøra la ka se a lase yørø la, donini yamaruyaseben si kuntala te jigin tile 1, duguma ni a yølen tile 30 sanfe.

Bolofara 2 : Døgø donini yamaruyaseben min ni wari te sara à kunkørø

Sariyaset 26 nan : kungodafe sigibagaw dugubaw ni dugu misenw na n'u bø fe u ka denbaya makojne døgø doni ka se u ka yørø la ani forobayøra ni sørødasiw ka yørø la, ji ni kungo cakeda jiemøgø walima a ka møgø yamaruyalen walima møgø o møgø be baarakø o kungo cakeda la, o be donini yamaruyaseben d'u ma wari sara tåla.

Sariyaset 27 nan : minisiri min be kungokøwanabø o be sariya ta ka kungodafe sigibagaw ka makojne døgø donnita hake dantige.

Sariyaset 28 nan : sigida ji ni kungo jemøgø be seben ci marabolo ji ni kungo jemøgø ma, o seben in kønø, møgø minu ye donini yamaruyaseben soro kasørø wari sara ma yøla, olu tagø n'u jamu n'u sigiyørø ani døgø suguya n'a hake bee be pereperelatige.

Bolofara 3 nan : semetyiali sebenw

Boyøro semetyiali sebenw

Sariyaset 29 nan : Boyøro semetyiali sebenw min be da kungo nafamafenw kan jamana kønøna na o be di marabolo ji ni kungo jemøgø fe kasørø wari sara tåla, o be se kø dili se lateme sigida ji ni kungo jemøgø ma walima ji ni kungo cakeda bolofara min sigilen don kungo in kønø yen, boyøro sebentyiali seben in be di ka da nafaboliseben jirali kan.

Boyøro semetyiali sebenw jamana køkan tagali kama

Sariyaset 30 nan : Boyøro semetyiali sebenw min be da kungo nafamafenw fan dø walima u fan bee kan, ni kungo sørøfen ninu sebennen te kungo nafamafenw cela minu be ka silatumu, dijø kungo nafamafenw jagoli benkan min be wele angilekan na ko CITES o yø minu dantige, o boyøro semetyiali sebenw in be di ji ni kungo jemøgøba fe ka da boyøro semetyiali seben walima donini yamaruyaseben jirali kan min dira marabolo ji ni kungo jemøgø fe walima o se be se ka lateme sigida ji ni kungo jemøgø ma walima ji ni kungo cakeda bolofara min sigilen don kungo in kønø yen.

Bolofara 4 nan : kafoli yamaruyaseben

Sariyaset 31 nan : møgø o møgø walima jekulu o jekulu nø bø fe ka kungo nafamafenw kafo jago walima bayelemani kama, a wajibilen don o tigi kan a ka kungo nafamafenw ninu boyøro n'u hake lajeya ni kafoli yamaruyaseben jirali ye.

Sariyaset 32 nan : ji ni kungo cakeda jemøgø min be kungo da la ko chef de poste o de be kafoli yamaruyaseben di walima ji ni kungo cakeda jemøgø min baara be nesin kølosili ma kafoli yørø o la yen.

Sariyaset 33 nan : kafoli yamaruyaseben be bø karane susiman dø la ani nin kunnafoni bø kan kafoli yamaruyaseben tigi tagø ni jamu ni sigiyørø tigeliseben ni donini yamaruyaseben n° n'u di don

Doni bilayøra jønjøn ani dugu, kin, siraba ni bulonda n° nøl be yen.'

Kungo søfenw suguya n'u hake min yamaruyalen don

Biliw ni pilansi ni madiriyew hake n'u fiye n'a soro Jiribaarata

don kafoli yamaruyaseben ta don n' di yørø kafoli yamaruyaseben dibaga togo n'a jamu n'a ka baaraketa

Sariyaset 34 nan : cakeda min ka baara segesegeli o be kafoli yamaruyaseben mine seben tigi la nø yørø soro donnita hake yamaruyalen ni hake feerelen walima hake labaarakalen ni hake kafota yamaruyalen bee ye kelen ye.

Ji ni kungo cakeda jemøgø min be serikili kønø o kafoli yamaruyaseben minenenw latipe san o san ka sereya seben dilan a kan.

Tilayøro III nan : sariya kuncikanw

Sariyaset 35 nan : guferene-mansariya n) 01-404/PRM min tara san 2011 seputanburukalo tile 17 la n'a tun be kungo nafamafenwnafabolø kan, nin sariya in be o bø wuli.

Sariyaset 36 nan : minisiri min be lamini ni saniya kunna, minisiri min be soro ni nafoloko kunna, minisiri min be iziniko ni jagoko kunna minisiri min be seneko kunna, minisiri min be bolabaarko ni turisimiko kunna ani minisiri min be jamana kønøkow ni sigidaw kunna, ci be olu bee kan ka sariya in lataama, a be ganzi jamana fan bee, a be seben kø ganzi faso ka kunnafoni seben kønø.

Bamako, seputanburukalo tile 20, san 2011

Bolonabila kebagaw : Jamana jemøgø Amadu Tumani Ture, Minisiri jemøgø Sise Mariyamu Kayidama Sidibe, Lamini ni saniya minisiri Cemøgø Sangare, Soro ni nafolko minisiri, Lasine Buware, Izini ni jagoko minisiri Sangare Namaton Ba, Lamin ni saniya minisiri Seneko minisiri Nøbila Cemøgø Sangare, Bololabaara ni turisimu minisiri Mohamed El Moctar, Jamana kønøko ni sigidaw minisiri Zeneral Kafuguna Kone

Dapeli Damélé

San 2019 Afiriki kupuba jebila ntolatanw



Mali ntolatannan "Egiliw"

Sibiridon san 2017 zuwenkalo tile 10, Mali ni Gabon jamana ntolatanw ye jøgøn kunben Bamako ntolatan yørøba kønø nà tøgødalen don mari-sikalo tile 26. Jøgøn kunben ntolatan in kera 2019 Afiriki kupuba jebila ntolatan kadara kønø, min bøna taa ke Kameruni jamana kønø. Nin don in jamako barika ma boyo.

Yali Mali ntolatanko kønø geleyaw de ye ntolatan kanubyaw sereya wa walima sunkalo salaya geren te don wa.

A mana ke a fén o fén ye, jama døgøya ma ka samataségen sebaya sørølo la Gabon jamana ntolatøn kan.

Kow damine geleyara bawo,

Gabon cedenw ye søgøma joona kuru kerun an ka celu kønø. O kera wulikajø følø sanga saban yere de la. Jøgøn kunben wuliko følø ladala sanga 45 følø foorila o kan.

Wuliko filanan na, samatasége børa nin hakilina kura ni taabolo kura ye. Samatasége Kalifa Kulibali ye Gabon jamana celu yaara wuliko filanan sanga duuru føløw kønø. Ntolatan sanga labanw kønø, SIwu Bisuma ye kuru dafa fila. Mali kuru fila, Gabon kuru kelen, ntolatan kun cérø kan.

San 2019 Afiriki kupuba jebila ntolatan hukumu kønø jøgøn kunben ntolatan caman kera, farafina tile følø in jøgøn kunben damadøw jabi sørølenw file :

- **Kulu A kønø :** Madagasikari jamana ye Sudan dere 3 ni kelen
- Senegali jamana ye 3 ke Gine Bisawo la
- **Kulu B kønø :** Kameruni jamana ye saba ke Marøku la
- **Kulu C kønø :** Mali ye Gabon dere kuru 2 ni kelen.
- **Kulu H kønø :** Lagine ntolatantøn ye Kødøwari Samaw dere kuru 3 ni fila
- **Kulu E kønø :** Afiriki di Sidi ye Nizeriya dasi 2 ni fu.
- **Kulu I kønø :** Burukina Faso ye Angola jamana gosi 3 ni 1.

Nsiirin : «Surukuso»

Nin san in diyara nson-sannin na fo kà.damatemé. Nsonsannin ka foro kònø kaba, nò ni jiridenw nèna kosebe. Sannifeere siratige la, nsonsannin ma to kò fiyewu ; bawo o fana sebekòrø dir'a la. A ye dakabana nafolo sòrø. Nsonsannin ka nafolo tigiya cunnen ma mè dogo la. Tile damadø dørøn, sigida nà lamini kònø mègøw bëe bòra nsonsannin ka nafolotigya kalam. Ka fara baganw kan, a ye dakabana masiriw caman san. Sòrø wara kojugu, nsonsannin kera dønbafili ye. A kafara kà yaada. Don dø, k'à to muso-baroyørø la, a y'i kanto a ninmègøw ma kàle ka furusiri bë ke njøgø-mada ni njøgøn-ma-ye ye. Nsonsannin ninmègø døw ye sanporø ci a la ; bawo a ka yere-fø ni yere-jira tun kera nege bò ye. O wale digira nsonsannin na. Walasa a ninmègøw kanà mine wasobaganci gansan ye, a k'u ma k'ale yelenso bë ke suruku de ye a ka furusiri don. Ninmègøw bëe kabara njøgøn fe ko surukuso ? Ni sera k'o ke, i ye koba ke, ji bë da min sana kan kudayi, nka n'i ma se kà ke, i ye kumaba lankolon fò, min bë fò kà don i tulo la tuma bëe.

Don ka jan a sebali te. Nsonsannin y'a ninmègøw jaabi n'o ye. Don caman temena nsonsannin nà ninmègøw ka nin kuma kofe. Tuma min furusiri

døgø dara, a ninmègøw y'a hakili lajigin a ka lahidi talen na. O kelen, nsonsannin y'u jaabi ko ni kungo suruku dan kera kelen ye, kò na ke ale nsonsannin yelenso ye kanà ka kònømuso nò fè. Nsonsannin n'a ninmègøw fara la njøgøn na tuma min na, a y'i kunda kòrø surukuba ka so kan. Nsonsannin donna surukuba nà ka denbaya kan ni majamuni ye. A ko : Ala ta ye nin ye, e suruku ta ye baw ye. Kòrøtø de bë na ni ko karaba ye ; n'o te, ni a Ala ko kà bë mègø min sòn, a bò tigi sòn fà sidilan kan. Ndøgø nsonsannin, i ma foyi fò ni tijø te, nka i ka kuma laban de ma faamu nfè.

Nsonsannin gëre la surukuba la døønin k'i kanto ko : kabini fajiri këne cira, ne bë nsen kan suruku jini na fo sisani. Ndonna yørø o yørø, n fòrø tigi kò. ka nto e ka bulonda la, ntun bë jini k'à fò ko danga bë surukulakaw kò.

Ka namaw danga wa ?

Fè ! Ne ka furusiri ye sinin ye, ne ninmègøw ni nburanw ko ko ni nama min sònna ka ke ne yelenso ye ka se furusiri këne kan, kòlu nò nama minni-ji ke nònø këne ye, k'à siribølø turu babon da la, kà tilerø fana....

Surukuba ninsöndiya kojugu ma kuma tò lamen. A wuli la k'i senfa ka don bon kònø ka bò ni juru-kise kura ye ka n'o di nsonsannin

nin ma k'i kanto : an ka nin jenabø joona ; bila ka suma tere ma ji.

Kòrø suruku, n k'e ka kow bë tan de ! Kòjø ye sinin de ye. Sinin sègøma joona fè, i b'i ko k'i masiri nbe na i nò fè. Su kolen, surukuba kòrøtøra duguje la. Sekasikan fòløw yere la, surukuba y'a sidilan janfa. Sègømatile bilen-man bë bò kòrøn fè tuma min na, surukuba masirilenba donna nsonsannin ka du kònø. O tilalen a ka labenw na, a nana kerekè da surukuba kò la ka karafe don a da, ka yelen k'i sigi a kòla kà buranna sira minè.

Tuma min nsonsannin ni surukuba kun bòra, ninmègøw ni kònø jamaw y'u kunben ni ninsöndiya ni tegere fò ye.

Kòjø gintan bojara ; folifénw mankan ni jama ka girin-ka-jø boja kojugu, bëe jinenna surukuba sirilen kò bòlø la bulonda la. Ji gansan ma jira surukuba la sangø nònø këne. Minnøgo ye surukuba sègen tuma min, a y'i kan bò nsonsannin ma.

Cè, a dun kera cogo jumen, o tuma, fòlen ma bò wa ?

Cè, kòrø suruku, e kònø b'a døn ko musow ka ko bëe ka suman kònø. U b'i ka minni-ji ko taa ni ka segin de la halisa !

T'a f'u ye k'u k'à ko røgan. Bi ma dugu je !

Nsonsannin talen

menna tuguni, ta ma menen sisi ma bò.

Surukuba dimina k'a wele. Nsonsannin nalen y'i kanto : pa pa pa kòrø surukuba...

Cè, a kera cogo di tugun ?

A ko to be jini ka ne yere kamanagan koyi !

Mun kera ?

Ko sogo dègøyara jama la....

Ne ka mun b'o la ?

Musow de kelen bë k'u cesiri ko fo ka ne ka so faga kò fara u bolota kan, n'o te, e ka foyi t'a la.

Kè kà so faga wa ? jaa, u da ka fin u ma koro dun. Jurù bò nkan na dëe. Musow ka këne sogo la u cw bolo !

Nin kumaw kofe, nsonsannin ye juru bò surukuba kan na yørø min, surukuba taara i ko sanmekeru.

Bakari Sangare


Jekabaara

- Labolikuntigi
- Dajeli Damele
- Sebenkuntigi
- Bakari Sangare
- Sébenni kela kulu
- Dajeli Damele
- Bakari Sangare
- Idiris Sakò
- Nataliye dilanbagà
- Modibo Sidibe
- Jaw
- Haruna Tarawele
- Labenbagaw ɔridinateri la
- Fatimata Cero
- Madamu Jakite Orokiya So
- Seyidu Dunbiya
- Hake bòta 500
- BP : 2043 - Bamako
- Tel : 20 20 62 89

GAFEEEREYORO JAMANA

*Aw magone gafew soroli kama aw y'a jigi ke
Gafeeereyoro Jamana ye*


Duguma kalanje gafew



Kalanje gafew an ka kanw na



Sanfekalanso ka kalan ke gafew



GAFEEEREYORO JAMANA FILS BAMAKO NAMAKORO UNICEF
BAARADA MASURUN NA NI METERE 100 YE • TEL 20 20 62 89